

Noctiluca constans & per vices fulgurans, diutissime quaesita, nunc reperta; dissertatione brevi praevia de luce, igne, ac perennibus lucernis publicata / [Georg Kaspar Kirchmayer].

Contributors

Kirchmayer, Georg Kaspar, 1635-1700

Publication/Creation

Wittebergae : Typis Matthaei Henckelii, 1676.

Persistent URL

<https://wellcomecollection.org/works/supnur65>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

NOCTILUCA
CONSTANS

& per vices

FULGURANS,

Diutissimè quæsitâ, nunc reperta;

Disertatione brevi præviâ

De

Luce, Igne, ac Peren-
nibus Lucernis,

Publicata

à

GEORGIO CASPARE KIRCHMAJERO,

In Electorali Academ. VVitteberg.

Prof. Publ.

WITTEBERGÆ,

Typis MATTHÆI HENCKELII, Acad. Typogr.

ANNO M. DC. LXXVI.



Polyhistori ac Poliastro Celeberrimo,

V I R O

Literarum meritorumq; gloriâ in publicum

Illustri,

DN. GEORGIO HIERONYMO

VELSCHIO, Augustano,


Fautori maximoperè colendo,

S. P.

G. C. KIRCHMAJERUS.

Mirabuntur alii; Tu non miraberis, Vir Nobilissime, quòd tantum paginae tantillae nomen ferant tuum. Re ac affectu, non mole aestimant scripturas solè dissimè in literis versati. Norunt tui similes, (si multi saltem forent,) quid *Constans* sine pabulo sufficiendo *Lumen* sit. Quamdiu vel solà in Italiâ (tot olim annis abs Te exquisitè perlustratâ,) apud Romanos, Neapolitanos, Venetos, ac Florentinos desudârunt maximi artifices, minimè omnium ignoras. Mittam Tibi *Noctilucam* vitreo inclusam & Hermeticè signatam vasculo, *Kunckelianam*; ut inter rariora tua extet. Vide; &, si voles, judica, iudiciūq; aperi. Sed & gratias admitte pro egregio Margaritarum munere, quas ex tot conquisitis regionibus & angulis terrarum, nullo meo provocatus merito, in experimenta de his capienda, liberaliter & spontè propriâ communicasti. Vale Decus Seculi, & hanc scriptiōem merè Philosophicam (in qua non libuit rhetoricari,) benigniùs interpretare. Scr. Wittebergæ XI. Kal. Septembr. A. cto Ipc LXXVI.





CAP. I.

De

Divina Lucis atq; Ignium
Natura & Origine.

§. I.



Verum & æternum, sed incom-
prehensibile Lumen unum est *ἡ σὺν ἡμῖν*,
triplex *ἡ τὸς ἄστροις*, Deus gloriosus; Lumen
gignens, Lumen genitū, Lumen procedens
ab utroque; lucem inaccessam incolens,
& splendore admirabili se sæpè manife-
stans. Deus Pater lux est, & tenebræ in eo
nullæ. Filius, splendor gloriæ illius. Sacrosanctum Flamen
flamma est, non solis Apostolorum lingvis, sed piorum cordibus
etiam infundens se; à quo, quicquid luminosi in mortalibus ap-
paret, accenditur per sapientiam. Sunt & benigni Angeli flam-
mantes ignes Luminaq; , sine omni, quanquàm non principio ca-
rentia. Immensum illud subtilissimumque corpus, quod cœli
venit nomine, stellarū habitaculum, ignibus & Luminibus, quo-
rum iniri numerus haud potest, plenum. In elementorum quoq;
censu æternitatis affectârunt famam ignes, subterranei potissi-
mum in montibus ignivomis thermisq;. Ardet Æna noctibus
semper, tantoq; ævo ignium sufficit materia; nec sperandus finis.
Vesuvii quidem per tot secula ignivomi scrutatus diligenter
causas est *Petrus Castellus* lib. pecul. de Vesuv. Italicè conscripto.
Sed quæ est ista materia, quæ tot in India Orientali pariter & Oc-
cidentalibus montibus voracitatem avidissimam sine sui damno
tribuit?

tribuit ? Admirandarum rerum omnium in Luce atqve Ignibus epitome. Divinitatis nempe symbolon ac index. In flamma toties apparuit supremum Numen , alioquin invisibile : Ebræis in columna ignea, Mosi in ardente Rubo. Legem promulgaturus Deus è medio ignis nubiumqve involucro detonabat. Foedus initurus cum Israelitis, speciem ardentis ignis præbuit. Danieli thronus Dei & Ezechieli visus in flamman te igne. Johanni Apocalyptico ardentia visa Dei-hominisq; lumina. In ignibus & luce visi exercitus coelestes & legati ; Manoæ, Eia, Elisæ, aliis. Factum inde, ut veteres idololatræ, Ægyptii, Chaldæi, Babylonii, Persæ, Græci & Latini Deum in Igne, in Sole, in Vesta tandem adorarent. Similia Peruanorum de Sole commenta fusiùs recenset *Xna Garcillaffo de la Vega*, è Regio gentis suæ stemmate oriundus, ac *Job. Francisc. Grandis* dissert. sing. de variis Dei nominibus Soli attributis.

§. 2. Primus hujus universi conditi à Deo decor & ornatus lux fuit. Ultimum, quo cœli terræq; destruetur aliquando machina, futurum esse ignem, infallibilis testatur veritas. Quantumvis a. non eadem ubiqve habitudo & natura hujus & illius ignis ; certum tamen est, fuit, erit, naturæ actiones maximè mirandas, Lucis, luminis, & ignium absolvi beneficio. Sensuum primus nobilissimusq; visus est. Visui primò cognita sunt lux & lumen, quæ ante res naturales omnes oculis se offerunt. Videtur non modò, sed ut videantur alia similiter, lux efficit ac lumen. A luce igitur, ejusq; prole lumine, veluti Philosophiæ Naturalis duce, prima petenda fundamenta sunt. Movit argumenti dignitas illustrem scriptis meritisq; suis *Thomam Bartholinum*, ut de Luce (Hominum inprimis & brutorum) variæ magnæq; eruditionis librum publicaret : quo & nobilitatem Lucis, insitæ corporibus & universalem ejus ambitum docere studuit. Enumeratu longum, nec unius foret clepsydra, si, quid in pretiosissimis naturæ rebus, Margaritis, Gemmis, Metallis, purioribus inprimis, lux conferat & lumen, dicere ingrederemur. Solum hoc vel indice tantum modò signare satis esto, sine Lucis, Luminis, & ignis penitissimâ cognitione, neminem unqvàm ad formarum in animalibus & plantis solidam notitiam pervenire posse

posse. Quas & quantas enim (Deum immortalem!) per tot secula Chimæras finxerunt, & huc usque propagârunt circa Formas Corporum, Philosophi auctoritatem, non experientiam secuti! Unicus tot simul aliis hâc parte palmam visus est præripuisse subtilissimus Anglorum *Thomas Willisius*, qvî naturam flammulæ vitalis propiùs cognovit. Sed id jam non agimus; ad lucem potiùs respicientes.

§. 3. Memorabile *Bartolomæi Anglici* (cujus apud me vetustate sua commendabilis est codex) de Luce judicium arripdet. Sic verò ipse (8. de propr. rer. c. 40.) scribit: *Lux est substantia summè simplex, summè multiplex in efficacia, summè nobilis, absoluta penetrationis, omnis naturalis motionis principium & origo; summè perfectibilis, summè jucunda, summè communicabilis. Luce in corporibus nihil est utilius, nihil convenientius, nihil pulchrius, nihil velocius, nihil virtuosius invenitur. — Forma lucis nobilissima in genere formarum, corporalium maximè, materiam distendens. — Lux est maximè mobilis, incessanter movens se. Lux se multiplicat gignendo. Lux genita lucem simul gignit succedentem. Nihil luce purius; unà transiens per sordes non sordescit. Tolle lucem è Mundo; abibunt omnia in chaos. Absente per noctem solo sole, omnia colores suos & amœnitatem veluti amittunt. Animalia & plantæ ob minùs robustam Solis operationem jacent hyeme ac rigent: quæ cum vere reviviscunt. Quid existimas futurum, si Cœli extingvantur luminaria? Quæ ut in hominum incurrunt oculos, sic à solis rectè æstimantur Sapientibus. Actum tamen agere nec vacat, nec placet: quando de natura Lucis tam egregia posteritati monumenta reliquerunt post *Francisc. Aquilonium, Grimaldum, Vossum, Ricciol. Bulliald.* ingeniorum aquila *Kircherus*, in Arte magna Lucis & Umbræ, atq; *Gedanensium Hipparchus, Hevelius* in Selenogr. pariter ac *Cometographia*.*

§. 4. Cùm luce communia multa ignis habet, quanqvàm distinctissima sit à Luce. Utriq; splendor, amœnitas, incredibilis velocitas, penetrandi vis, subtilitasq; & id genus plura competunt. Non tamen ubi lux, ibi ignis. Ignis omnis pabulo, uti videatur, & stabulo, ut in eo conservetur, opus habet. Lux nullum re-

quirit alimentum. Ubi ignis, ibi sulphur, ibi acidum. Neutrum horum Luci necessarium. Observanti diligenter omnia, in igne hæc apparent diversissima: (1) ignis ipsemet in se spectatus, substantia omnino dici debet: (2) subjectum ejus, non in hæsiōis interim, sed in formationis, in sublunaribus his, terra est & omne corpus mistum: cui inexistit, non ut sit, sed ut profit. (3) Pabulum seu nutrimentum, igni non propter se, ut vivat, necessarium, (quemadmodum *Huartus* in scrutinio ingeniorum statuit) sed ratione nostri tantummodo, ut manifestetur & urat. Exemplo sulphur est in oleis, bitumine, naphtha, succino, ambra, cera, butyro, sebo, lignis aridis. (4) Flamma subjectivè est in sulphure, formaliter ab igne, sed efficienter à motu atque inflammatione. Flammam describit *Emanuel Magnanus*, Gallus, (in *Philos. nat.* c. 15. propos. 12. p. 1540.) *ignem fluentem & lucentem; ignem vero ipsum fixum & ligatum, nec fluentem, nec lucentem.* Sed alia res ignis, alia vicissim flamma, non ex fluxu æstimanda, nec ex luce. Potest & solet esse ignis sine flamma; imò actualis est in mistis & aquis calidis. Potest flamma etiam sine igne esse. Est in marina aqua, tempore nocturno deprehensa sæpè flamma, tempestate imminente, propter salis irritati copiam. Est à Pyropo & Carbunculo & quandoque, teste summo *Boyleo* (de Gemmis appendice) ab Adamante. Arte Chymicâ Smaragdus præparatus flammâ vibrat. Beneficio ignis, & Magnetis Philosophici ex Spiritu Nitri flamma potest colligi. Quo de artificio ante *Glauberum* jam scripsit *Angelus La Sala* in hist. Vitriol. (5) Candor in carbonibus potissimum elucet; cui addimus micationem, quæ in fulmine ac fulgure occurrit semper. Quandoque in animalibus, ut pilis oculisque hominum, equorum, felium, & in corculis cicindelarum. Potest esse candor pariter, ubi non est ignis; veluti in gemmis, nive, glacie. Ab igne candor ortus fit ab igniculorum pedetentim semet propagantium motui, quod incomparabilis Micrographus *Robertus Hookeius* ad oculum demonstrat. Candor igitur est motus jam lucis, jam ignis, per radios aut igniculos præsentis copiosè propagatus. Ex conglomerata coruscatione oritur illuminatio, luci pariter ac igni competens. (6) Calor & caliditas proprietates ignis atque accidentia, cum

cum calefactione, quæ ad alia emanat a lio, in vulgus nota sunt. Sed illud miraculo propemodum affine: Lucernæ & candelæ instar splendentem ignem recens inventa Noctiluca caliditatem ad sensum nullam prodere. De quo plura in sequentibus. (7) Scintilla restat atque scintillatio. Ista *Bartholomæus Anglicus* (l. X. c. 7.) particulam appellat ignis modicam, ex materia ignea, caloris impetu ac virtute resolutam; quæ extincta favillam post se relinquat, & vento temperato accendatur, impetuoso extingvatur. Scintillant ita oculi hominum quorundam, felium, lyncium, pyritæ, silices, scipiones Indici, ferrum ignitum sub incude malleatum. Sine ignium præsentia scintillant stellæ, sine caloris sensu maria scintillant, Adriaticum in primis ac mediterraneum. Non soli ergo igni vendicanda scintillatio; cum lux scintilla vibrator sit, nunc ab ignito aliquo carbone, nunc ab alio subjecto lucido, per impulsus repentini & excitationem momentaneam elicitæ.

CAPUT II.

De

PERENNIBUS LUCERNIS.

§. I.

QUI rerum naturalium contemplatione non modò, sed experimentis m. dederunt operam ingeniosiores viri, magnis & sumptibus & conatibus Perpetuas Lucernas invenire laborarunt. An, quod sperarunt, & Summatibus hinc illic promiserunt, obtinuerint? id verò est ejusmodi, ut tantum non ab omnibus indubium, à pluribus inter impossibilia relatum fuerit. Salsè lepidus pro more suo in Cardanum *Scaliger*: (exerc. 328. de subtilit.) *Non queo mihi persuadere, inquit, quod è sufflatoris libellis habui, te ignorasse. Omnia enim tibi Naturæ arcana non arcana sunt: cui nota dicis esse arcana æternitatis.* Ajunt illi ex junipero factos carbones tanta esse vi, ut per annum integrum ignem servant incorruptum. Neq; à *Prometheo* didicerunt hoc; ut per manus traderent *Vestalibus*. Chymicorum libros vellicat, ex quibus

taliam acceperit, quæ tamen antea *Cardanus* (8. de Plantis in subtili. opere) attulerat: fuerunt, qui existimaverint, truncum ligni Juniperi accensum, & proprio cinere contactum, ignem annum servare. Tandiu, certe mirum; at diu, nihil mirum; substantiâ enim pingvis densâ admodum est, & ad opera incorruptibili. In Rosario Hermetico Philosophos haud dubiè sugillat. Sic ibidem illi: Sanguinem humanum (Sulphur intelligunt ex Marcasita) & scobem ligni juniperini arefactam optimè commisce & imbue ardente aquâ, exsicca iterumq; irriga; repetens hoc aliquoties, pulverem include pyxidi lignea, cujus interna superficies sit sulphure oblita. Immitte prunam vivam & pyxidem claude quàm arctissimè. Si subito ignem desideras, aperi pyxidem & fortiter elide spiritum (ex ore) statimq; excitabis ignem, quo candelam accendes, injectoq; operculo flammam cohibebis.

S.2. Inter impossibilia proverbio jactata tria numerat *Valerius Saledinus*, perpetuum mobile, Lapidem Philosophorum, atque quadraturam Circuli. Fuit, qui quartum in *Perenniluca* addidit, Lucernam scilicet perennem. In eandem planè etiam sententiam descendit *P. Kircherus*: (Tom.3. Oedip. Egypt. Syn- tagm. 205. S. 9. p. 547.) Jam dudum cum summis Chymicæ artis magistris & insignibus destillatoribus de hoc negotio suscipiendo à me transactum fuit; nec defuerunt, qui in eo extrahendo nullum non lapidem moverunt, at frustra. Oleum enim inde (ex Amianto & Asbesto) extractum vel non concepit ignem; utpote aqueæ substantiæ, quàm oleaginæ similis; vel adeò sæculentum evasit, ut igni concipiendo prorsus ineptum inidoneumq; extiterit. Unde desperato negotio in eam opinionem deveni, hujusmodi oleum extrahendi mysterium si non ἀδύνατον, saltem difficilius esse, quàm ut ad illud humane operationis industria pertingat. Quare meritò uti τετραγωνισμός, perpetuus motus, Lapis Philosophorum, similiaq; hucusq; inaccessæ materiæ argumenta; ita & ignis perpetui artificium pro desperatis habenda sunt. Gemina his sunt, quæ idem habet

bet *Arhanasius* in *Mund. subterr.* lib. 8. sect. 3. c. 1. Cum quo facit rerum naturæ reconditorum scientissimus *Becherus* lib. 1. *Physic. subterr.* sect. 5. c. 3. p. 500. Merito illi confunduntur, qui **LUMEN PERPETUUM SOMNIANT**, atq; id ex **AURO**, vel alia materia incombustibili comparare presumunt. Eo ipso enim, quod materias incombustibiles sumant, sibi contradicunt. Id e. est incombustibile, quod summè est densum, & quod proinde rarefcere, & per consequens flagrare nequit. Sin verò materiam combustibilem sumant, impossibile est, ut sine rarefactione ardeat, ut & atomirare facta non attenuentur.

§. 3. E contrario, non tantum inter possibilia numerant perpetuas Lucernas alii, sed fuisse olim probant, quidam & conficiendi modum docent. Preparabant, (scribit *Gvid. Pancirolus* in deperd.) veteres oleum incombustibile, quod nunquam consumebatur. Id nostrà quoq; etate, sedente *Paulo III.* visum fuit, invento scilicet sepulchro *Tullie*, filie *Ciceronis*, in quo lucerna fuit etiam tum ardens; sed admissò aëre extincta. Arserat autem annos plus minus 1550. *Hermolaus Barbarus* lib. *Corollar.* 5. & *Franciscus Maturantius* in epist. ad *Alphenum* testati dudum sunt in subterraneis *Italiæ* monumentis lucentes perpetuo fulgore lucernas deprehendi. Qualis fuerit illa *Maximi Olybii* in agro *Patavino*, juxta oppidum *Atheste* eruta: quam arsisse suprà mille & quingentos annos *Antiquit. Patavin.* haud procul à fine tradit *Bernardinus Scardeo* laudatus *Gvilandino* membr. 6. *Commentarii de Papyro.* Ignis sive olei istius perpetui dilucidam descriptionem proflare ap. *Hieronymum Ruscellum* in egregio illius opere, cui titulus est *Le Impresse Illustri*, memorat *Henricus Salmuth* ad allegatum ante locum *Pancirolli.* *Johannes Baptista Porta*, *Neapolitanus*, ingenio experienciâq; magnus, (futurus major, si non tam credidisset facilè, quàm, quæ refert, prius omnia tentasset ipsemet) in *Mag. Nat.* lib. 12, c. 13. ad problema hoc: quomodo fieri possit, ut candela perpetuò ardeat? post præmissa alia de igne *Judæorum* sacro, deq; *Romanorum* illo custodito à *Vestalibus*, novum semper pabulum suppeditantibus, respondet: *Nostriis temporibus circiter Annum M DL. in Naside Insula, in Neapolitano cratere sita sepulchrum marmoreum repertum est cujusdam Romani,*
quo

quo recluso phiala intus reperta est, in qua lucerna adhuc ardebat, rupta & viso aëre, extincta est; quæ ante Servatoris nostri adventum clausa fuit. Aliæ quoque ab amicis narratæ, sunt repertæ, & oculis cognitæ. Unde colligimus, hoc fieri posse, & à maioribus factitatum. Insignis Angliæ Historicus Cambdenus in Britannia sua p. 473. lampadis ardentis antiquissimæ mentionem facit: fide digni retulerunt, inquit, cum Patrum memoriâ monachorum ædes diruerentur, in crypto-porticu adiculæ, in qua Constantinum Chlorum situm fuisse, opinio erat, lampadem ardentem repertam fuisse. Maximiliano I. Imperatore vel eo æstimatus nomine Trithemius, Spanheimensis Abbas, & sex Coronatorum millibus donatus fuerat, quod perpetuam illi comparasset lampada. De cuius præparandæ modo postea dicendi locus erit.

§. 4. Nunc sistendus maximè *Fortunius Licetus*, qui cum Germanis aliquid commune illâ parte habuit, ut *Italarum omnium laboriosissimus* huc usque dici possit, propter numerum & molem editorum. In his ejus scriptis illud admiratus sum præcipuè, quod de reconditis Lucernis Antiquorum curâ & impensâ haud mediocri publicatum fuit. Ipse verò cum de Veterum Lucernis exempla, vestigia, & opiniones varias exposuisset, ad confectionem ignei humoris has condiciones exigit lib. 3. c. 28. p. 250. ut sit (1) *Materia lenis, & crassities viscida*, ad resistendum igni. (2) *humor non evaporabilis*, ne dissipando extingvatur; (3) *materia substantia sincera, homogenea, pura*. Hic si æqualitas humoris pariter & ignis dominetur, perpetuò ardere colligit. Sic & vivere multos posse sine alimento. Cum lucernæ igne autem magnam intercedere familiaritatem calori hominis nativo. Inter materias igni resistentes numerari AURUM, AMIANTUM, ADAMANTEM pro ellychnio inconsumtibili; pro materia perenni autem oleum ex Amianto oportere elici. Sed de his paullo post uberiora. In exemplum affert (1) Lucernam antiquissimi *Pallantis*, (Lib. 1. c. 10.) reliquarum abs se proditarum celeberrimam, temporibus Henrici III. Imperatoris, prope Romam, ab Agricola repertam; dum solito is altius terram foderet.

ret. Cadaver adhuc integrum, in pectore latissimum occurrisse
vulnus perhibetur. Suprà caput lucerna, perpetuo igne ardens,
circa fundum perforata atq; importunè rupta, flammam protin-
us amisit. Inscriptio hæc fuit:

*Filius Evandri Pallas, quem lancea Turni
Militis occidit, mole sua jacet hic.*

(2) Olibii, quæ Anno Ch. 1500. juxta Atesten, Patavinum mu-
nicipium, simili occasione inter fodiendum est reperta, specie
urnæ fictilis, cum alterâ inclusa urnulâ, Plutoni sacra. *Licet.*
l. 1. de recond. antiqv. Lucern. c. 9. (3) *Tulliola*, in viâ Appia post
Annos 1500. inventa cum inscriptione Lapidis TULLIOLÆ.
Idem Lib. 1. c. 2. Magnitudinem si quæras, urnæ illæ fictiles aut
æreæ in Aldrovandi Coradiniq; musæis communem usualiumq;
lucernarum magnitudinem non excedunt; nec ultrâ sex vel o-
cto uncias olei continere possunt; unâ exceptâ Jovis omnium
maximâ, quæ tamen olei libras duas cum semisse vix continere
potuit. L. 3. c. 18. Sic & rationibus naturæ, & exemplis pro
perpetuarum Lucernarum existentiam militat *Licetus*.

§. 5. Propter Historiæ fidem non sollicitabimus exempla,
materiam examinare potius contenti. *AURUM an sit habile,*
ut extrahatur arte chymicâ quantalibet incombustibilis pingvedo,
si quærat, simpliciter negamus quæstionem. *Wolffgangus* quie-
dem *Lazius* testatur (l. 3. Hist. c. 18) Patavii in Italia phialas tales
cum ardente adhuc lumine, vase duplici conclusas, repertas o-
lim, tantis sumtibus paratas, ut, *Auro in pingvedinis li-*

quorem arte soluto, diutissimè & per multa secula arsu-
rum ignem continerent. Sed nec naturam Auri, nec flammæ
satis intelligere putandi sunt, qui hæc imaginantur sibi. Can-
descit quidem liqvatum in igne Aurum, ad morem vitri, sed flam-
mam ex se nullam spargit. In lucernis autem veterum coru-
scus rutilavit splendor. Deinde memoratu dignum, in *Auro*
vel nullum, vel exiguum profectò sulphur superesse. Ubi autem sul-
phur nullum, ibi nec pingvedo; propter quàm ardere possit Au-
rum. Novi equidem distinctionem illam sulphuris in *combusti-*
bile & incombustibile, ap. Fr. Basil. Valentin. Com. Bernh. Lampers.

Spring/Sendiog. Glauber. Anonym. Philalethen, & alios; sed cur
 principium combustibilitatis omnis sulphur faciunt, & incom-
 bustibile tamen sulphur, id est σιδηρόζυλον relinqvunt nobis?
 Cur non docere possunt, in quo sulphuris incombustibilis natu-
 ra propriè consistat? Cur, quod Mercurio tribuendum erat ma-
 ximè, assignant sulphuri? Si à sulphure color auri & inflamma-
 bilitas; cur Aurum ab ignibus non deniq; consumitur? sed pu-
 rius identidem evadit. Cur in *Auro fulminante*
 post peractum fulmen, & color Auri remanet, & pondus? An
 non exhalavit sulphur, si quod adfuit? Quid, si sine Auro, salis a-
 licujus beneficio, parari æqvè posset fulmen? Posse autem, cer-
 tò mihi aliunde constat. Hic sufficiat notasse, Aurum, ut cætera
 metalla omnia potissimam sui originem Mercurio debere. Ab
 hoc perfectissimè excocto illi color, incombustibilitas, gravitas,
 tinctura conferuntur. Ad essentialem Auri constitutionem an-
 te omnia Mercurius, sal deinde fusionem tribuens, & terra aliqua
 irreducibilis requiritur. Hæc tria ita invicem unita sunt, ut
 communimenstruo omninò nullo separari possint; multò mi-
 nùs destrui. Quanto rectius scripsit (lib. de Metallis & eorum
 metamorph.) *Thomas Morestinus* p. 33. *Auro jam perfectò & à na-
 tura concocto inesse sulphur negant Chymici, (peritiores) vel hâc ra-
 tione, quòd uni auro nil deperit in igne; cætera mineralia alterat,
 perimit, denigrat ignis propter sulphur.* Ad ellychnium incom-
 bustibile si dicant aptum Aurum esse; quærimus nos unicè, quâ
 viâ oleum aut pingvedo extrahi è sole possit, ad perpetuò alen-
 dam flammam?

§. 6. Jam examini subjiciamus AMIANTUM. Est hic
 quidem lapis cinerei coloris, serici in modum per filamenta re-
 splendescens, friabilis, fibrosus, nerilis, incombustibilis, ac admi-
 randi usus ad mantilia Regum, & mapas Principum inconsum-
 mabiles conficiendas. Strophiola igitur incombustibilia, nec
 non ellychnia perpetua elaborari non sine maximo labore pos-
 se, extrà litem est. Sed an & oleum ac liquor ad Perenni lucam?
 Hic Rhodus, hic saltandum. *Fateor* inquit P. *Atbanasius Kir-
 sberus* (eo ipso loco, Tom. III. nimirum Oedip. Egypt. Syn-
 tagm.

tagm. 20. §. 9. ubi dubias Lucernas tales reddere laborat,) si ulla res in verum natura perpetui luminis τέχνασμα prestare potest, id Asbestum & Amiantum prestare debere; quorum lychnus stupaceus uti inconsumptibilis est, ita ex eo extractum oleum irresolubile esse, nemo negare potest, qui naturam utriusque penitus inspexerit. Et lychnus quidem ex Amianto confectus (quem jam à biennio lucerna mea ardentem video, nec in minimo quidem defecisse reperio, neque defitutum puto) & Φαετος luculenter probat indicia; de oleo tantummodò irresolubili difficultas est; quod si quis mihi ex Asbesto extraxerit, eum unà mihi perpetui ignis nutrimentum suppeditaturum esse, nullum dubium est; at quis est hic? & laudabimus eum. De hoc non desperasse penitus negotio P. Casparem Schottum colligo, (ex part. 4. Mag. Pyrotechn. l. 2. c. 6. §. 1.) sic enim ipse: Ignem perennem, qui nunquam extinguatur, sed novò semper pabulo suffecto duret perpetuò, vel potiùs in novas semper atque sibi mutuò succedentes flammæ, seu incendia propagetur, humanà dari posse industrià, dubium nullum est. Idem ibidem annot. 3. de autore ac materia hæc subdit: dum hæc scribo, & cum aliis eadem de re discuro, vir doctus & in rebus Chymicis apprimè versatus promittit mihi, si mercedis loco honorarium solvere paratus sim, edoctrum se methodum olei inconsumptibilis conficiendi ex triplici sulphure, minerali, vegetabili & animali; & per ignem Cabalisticum seu æthereum Solis & Lune (id est Auri & Argenti) sine aëris tamen ingressu accendendi. Et hoc ait reperiri posse etiam in ordinariis carbonibus, aut in animalium ossibus combustis; & non solum in sulphure fixo, vel Amianto. Addit, se modum scire extrahendi id è dictis rebus, per spiritum terre, aut roris Majalis. Ponatur, inquit, carbo ordinarius aut os combustum animalis in vase clauso, extracto aëre in ignem, spatio 100000 Annorum nunquam comburentur, nec alterabuntur; manebunt ab Aqua forti & Stygià intacta; cum tamen Aurum ab his non sit innoxium. Talia credebatur Schottus, huic verò promittebat Artifex. Sed quia polliceri prestare non est; dubitandum, verane biatutanto promissor, an sesquipedalia verba & ampullas solummodò projecit? In eo non feci.

lit fidem, quod è carbonibus oleum quoddam candens certius elici, quàm ex Amianto posse, fassus est. Si omninò impossibile dixisset Amianti oleum pinguedinemve hinc produci posse, melius consulisset veritati. Est nimirum nescius resolvi igne Amiantus in vaporem, lentà visciditate crassus, sine sapore ac odore. Unde ergo oleum? Ponamus autem arte Chymicà produci posse oleum ex Amianto; an illud inflammabile dicemus? Contrarium futurum potius, ut extingvat flammam; cum nihil aliud existat, quàm sal fixum è corpore fossili educum per elixivationem. Quin & per menses aliquot in igne valido relictus sibi alterationem planè nullam passus est. Ut contrarium probetur, provocamus ad experientiam.

§. 7. Restat, ut de ADAMANTE etiam dispiciamus. Indomitam naturam ejus (à quà & nomen habet) ex vero non delineavit Plinius: *illa invicta vis duarum violentissima natura rerum, ferri ignisque contemptrix hircino rumpitur sanguine; nec aliter quàm recenti calidoq; macerata.* Ignibus resistere continuis Adamantem, notum; à ferro non expugnari & in scobem posse redigi, omninò falsum est. Ridiculum relatu, ab hircino tantum, & eo recenti calidoq; sanguine (si herbas solutivas hircus scilicet comederit,) macerari. Nihil hæc quoq; ad inflammabilitatem Adamantis. Videndum igitur quid causæ, cur ad Adamantem provocent hinc quidam. An in eo oleum, aut liquor? Citius ex pumice elicias. Sed fortè lux evibratrix atq; fulgurans? Ita est; sed non in omnibus. Orientales illi, qui ex India imprimis afferuntur, si affrictu manuum aut vestium tractentur, in tenebris evibrant radios ac lucem, & per vim electricam, ut succinum, quandoq; filamenta attrahunt. Vid. *Philipp. Balde.* part. I. *Operis Geographic. Historici, von denen berühmten Ost-Indischen Küsten Malabar, Coromandel und Zeilon,* c. 24. p. 156. Dn. *de Chapuzeau* in *Hist. Gemmar. & divitiar. Orientis & Occident.* Edit. Gallic. Chapitr. I. & præcipuè *Thomas Nicols,* in *Acad. Cantabrig.* Regius Prof. part. I. elegantiss. de Gemmis libri, c. I. Nec id vanum. Quanquàm de Rubino & Carbunculo, & de universis gemmis negent vim inesse noctilucam *Boëtius de Boot* in *Hist. Gemm. & Lap.* l. 2. c. 8. *Johann. de Laet,* Cap. de Carbunculis & Ru-

& Rubin: vulgò, inqviens, creditum fuit, Carbunculos & Pyropos carbonis instar in tenebris lucere; quod tamen de nullâ gemma hætenus deprehensum, licet à quibusdam temerè jaçetur. A cujus sententia parùm abfuit *Olaus Wormius* in Museo. Contrarium nihilominùs revicit non solùm per αὐτόπτας testes (*Vartomannũ*, *Garziam ab Horto*, Pro-Regis Ind. Arch. atrum, ac *Benvenuto Cellini*, Scriptorem Italum in tract. art. Aurifabril.) *Robertus Boyle*, nunqvàm sine laude nominandus nobis, in Observationibus de *Adamante Claytoniano*, in tenebris lucente, epist. ad *Robertum Morum*; sed coram Regiâ Societate demonstravit m. in Collegio *Greshamensi*. Fuerintnè inter hos aut similes lapilli illi, quos Philosopho Romano, *J. Cesari la Galla* ostendit lignæ inclusos pyxidi *Galileus Galilei*, qui prunarum accensarum instar clausâ etiam fenestrâ radiabant, (teste *Liceto* lib. 2. de Lucern. Antiqu. c. 4. p. 283.) non ausim definire. Inest igitur non Adamanti soli, sed nec omni, verùm & Rubinis & Carbunculis quibusdam lux vivacior longè ac in Lapide *Bononiensi*, lignis putridis, piscium squamis, cicindelis & similibus. Lux inqvam, non ignis. Unde igitur oleum incombustibile? Sal purissimum durissimumq; , non sulphur minimum aut resinam in Adamante deprehendent; quâcunq; vi aut arte illum tractent.

§. 8. Hætenùs res non processit: jam aliâ tentemus eam viâ. In Sulphure, in Antimonio an lampas perpetua quærenda sit? sollicitè scrutatus est *Libavius* Comment. Atch. part. 2. l. 2. c. 10. de diuturnis ignibus. In sulphure aut, ex alumine sublimato coqvitur ex Amianto, & postea eodem in vitro aliquo circumdatum, incenditur, spe & promissione æternæ flammæ. Non quidem inficias imus, Amianto inconsumptam ignibus naturam esse, & aliquos Alumini tùm simplici, tùm plumoso & Salamandra pilis; sed an istud artificium tam facili sublimatione sulphuri conferre eternitatem, ardoris sine jaçturâ sui dare possit, non immeritò dubitamus. Aliud Lumen fit ex vitro Stribii, ex quo per acerum rubedo extrahitur, quæ corpori, post rectificationem, in balnè, iterùm redditur inceraturq;, & cum eo per vini spiritum in oleum resolvitur, quod incombustibile

le paratur sulphur, nec in lumine flammeo durare potest. Flamma enim vivit in corpore exhalabili, & spiritus fundente aptos. Chymicum autem ad possibiles Naturæ operationes respicere jubemus. De Amianto supra tulimus judicium, quod idem dictum volumus de Alumine plumoso; quantumvis aliud Alumen hoc, & aliud sit Amiantus. De Vitro Antimonii & sulphure processum penè geminum *Bartholomæus Korndorfferus* peculiari hæc de re libello tradit, & *Trithemium*, *Abbatem Spanbeimensensem* ex hoc fonte derivasse sempiternam lucem, Maximiliano I. dedicatam docet. Ingredientia, ex ipsius fide, erant sulphur perpuratum, alumen calcinatum, perlotes & anaticè acceptos, Scibium, Chrysocolle Veneta præstantior, spir. vini generosioris quater destillatus, confectum inde oleum & novo V.S. vel septies correctum & abstractum, donec oleum incombustibile supersit. &c. Sed enim ex his tantum effici miraculum à quoquam potuisse, credat, qui non cavet decipi. Ingeniosè dictum *Moscardi*, Itali, huc applicare liceat, dum lib. 1. Musæi c. 32. exclamat: *Si come quei Lumi- eternamente arde pano, così eternamente, queste lasciano dubiosa la mente.* Universum valet axioma hoc: *ubicunq; aliqua pinguedo aut materia combustibilis est & ignis, ibi perpetui nil subest.* Semper etenim principium consumens agit in subjectum consumtibile ac consumendum. Rectè scripsit tract. de vero Philosophorum Sale Dn. *de Nuysement*: (Quæstor Generalis Comitatus de Ligny in Ducatu Barrensi, p. 118.) *tenendum est tanquàm indubitabile, quod ignis natura sit consumere & destruere omne id, quod combustibile est. Ignis devorat omne id, quod volatile est & qualitatis aeris, quia proprium est ejus nutrimentum.* Flamma etiam, ut *Kircherus* (lib. 1. Art. Magr. Luc. & Umb. part. 1. c. 5.) docet, ens in continuo motu atq; successivum est; motus autem ille ne utiquàm durare posset, nisi pabulum in singula momenta novum conferretur.

§. 9. Quæ cum ita se habeant, credamus firmite ex oleo in consumptibili ac igne non constare potuisse Veterum Perennilucas, nec in posterum quærendas esse. Videamus ergo, quid in SALE lateat arcani. Juro ego, ait *Johannes Garlandus*, Philosophus Anglicus, (lib. de Mineralibus, c. 23. p. 113.) *per nomen Dei cuncta*

cuncta scientis, quod, qui ignorat salem absconditum, nihil adeptus est illius rei, quam erat adepturus. -- Totum absconditum (arcanum) est in ejus cognitione & solutione & coagulatione. Et qui hac novit, jam salem absconditum praevidit. -- Pone mentem tuam in sale, & non studeas, nisi in eo, & videas, quod omnes sapientes circa complementum divertunt ad salem, & nominant eum multis modis. -- Invenient autem salem in omnibus cineribus vegetabilium, & in calcibus lapidum & in ossibus animalium &c. Ipse ille, cujus ante mentionem fecimus, Do. de Nuyssent de Philosoph. Sale: est hoc, inquit, illud pretiosum, cui magnus ille Doctor doctorum Apostolus suos comparabat, tanquam thesauro exquisitissimo à caelis producto. Potuisset enim aequè dicere: vos estis adamantes, rubini, perla, aurum & argentum terrae; nisi scivisset omnes hasceres, quancquam admirabiles, nihil in se continere, quod cum sale hoc generali conferri possit, cui soli gloriam perfectionis debent. Est in nivibus, est in aquis splendor & quandoque scintillatio. Et aquis quidem lumen aliquod inesse, diligens testatur observatio. Ipsa etiam spuma ab Hippocrate λαμπρὰ vocatur; quia, ut interpretatur Gorraus, quodammodò sit splendida. Imò non lucet tantum, sed caloris subinde faces suscitatur. Nec spuma soli, scribit Thomas Bartholinus, (de Luc. anim. probl. 9.) sed ipsis aquis lumen insidet, ut saepius in mari utroq; supero & infero observavi. Impulsi enim remorum gyro fluctus, clarissimum splendorem ostentabant, qui de die albescit. Quid? quod sine motu ullo ex mari scintillantem algam extraxerim, immissoq; linteolo, splendore infecto, vicinis rebus emulam stellarum lucem communicaverim. Quæritur, id unde fiat? à motu respondent vulgò. Sed si à motu; cur non in aquis idem aliis phaenomenon occurrit? Medium est quidem motus, sed causa nec sufficiens, nec efficiens splendoris. Ad sal potius confugiendum. Piscatores purpurarios aliosq; rem marinam exercentes plerumque rufo tingi, inde suspicatur Aristoteles, (lib. de Cælo 4. & sect. 38. probl. 2.) quia mare calidum & squalidum per suam est salsuginem. Et lixivio crebriori splendescere videntur crines ab admixto sale. Pro salis luce stetit & Cardanus in saporum & colorum comparatione.

elone. Jam quid de gemmis, & quidem de Adamantè, Carbu-
culo, Rubino, aliisq; in obscuro coruscantibus dicemus? Vitra
hæc Naturæ sunt, ex sale purissimo compacta tincturisq; minera-
libus imbuta. Nitrum ipsum quæso æstimemus. Annon ex
correcto maximè (rectificatum vulgò vocant) Nuri Spiritu & C.
igneus confurgit splendor? Ingeniosissimus Academiae Curio-
forum Hermes, Dn. *Balduinus*, Fautor & Amicus noster colen-
dissimus Cap. 5. de Magnet. Univers. propiùs rem tetigit: *quod*
in ipso naturali humido desiccatum est, sal est naturale rei cujuscunq;
cùm in id resolveri nihil non possit. Hæc expertus ratione mo-
doq; sum, quòd in sale, quasi spiritu universali terrificato,
incombustibile quoddam, sive secretum ignis sit
elementum.

Arcanum quoddam prodidit ex sale de-
purati mellis, in opere Vegetabili, (tit. de V. essent. mell. c. 7. p. 113.)
Isaacus Hollandus, lumen inde splendidum conficiens. In primis
autem p. 124. de Lap. Philosoph. ubi agit, Nocti-lucam memorat
eximiam paratam, quæ præstiterit officium candelæ, & in forma
lapidis apparuerit. Magnus *Olaus Borrichius* non ex vano re-
tulit (in tract. de ort. & progress. Chem. p. 1881.) ex Nitro diuturnâ
patientia excocto Pragæ in officina Chymici cujusdam corpus
quoddam prodiisse, in tenebris lucens, & splendorem suum in
vase etiam frigido aliquandiu servans. Salis spiri-
tui *Ronsardus*, Gallorum seu Homerus, sive Pindarus, illumi-
nandi vim tribuere videtur, canens:

Je suis celuy, qui gouverne le monde;
Qui le premier hors de la masse éclos,
Donnay lumiere, & fendy le Cabos,
Dont fut basty cette machine ronde.

Aperui materiam remotam; de speciali atq; proximâ silere ju-
bet Plato.

CAPUT III.

De

NOCTICULA aliquâ CONSTANTIB; & per vices FULGURANTE, nunc reperta.

§. I.

Occasio.

DUm diu multumq; sollicitor his curis, ut, si quâ fieri ratione possit, in naturam lucis propiùs liceret intueri; cur deinde per tot secula, labores, sumtus, frustrâ desudârunt ad Perpetuum conficiendum lumen plurimi, divinitate lucis trahor in dies in admirationem magis. Oblectabar solo lumine ad exiguum durante tempus, quod ex aëre à Sole jam tum collustrato per magnetem Philosophicum colligitur; quod ex vitro, ex Smaragdo calcinato, & super ardentes prunas laminæ cupreæ affixo, non injucundum, sed caducum brevi exhibet spectaculum. Quod exsaturaret tamen pectus avidû, ac perduraret semper, in istis deprehendi minimè. De igne dubitavi semper; de luce, tanquàm substantia simpliciori, & se solâ pariter contentâ re, spem semper optimam concepi. Quid opus, inqueiebam, ignibus, si præstò lux sit, quæ illuminet. Sint diuturna quædam per nescio quod oleum incombustibile lumina; perpetua non possunt esse. Lux autem extrahi insigni arte atq; præparari potest, quæ nullo eget alimento. Hæc lux si unita, copiosa, & vitro ritè clausa fuerit, ne spiritualis illa vis ab aëre, à tempestatibus, à ventis dissipetur, duraturam credidi tamdiu, quamdiu vitrum ipsum perdurabit. Observabam apud *Claudium Gvichardum* (lib. 1. des Funerailles p. 82. seqq.) *absq; pabulo lucernas à Chymicis effectas*. Stimulum suppeditabat *Porta* curiosus, sed in eo lapsus, quod de ignibus & flamma, non de Luce potiùs durationem eam intellexit atq; svasit. *Si liquor* (inquit lib. 12. Mag. Nat. extr. cap.)

C

subtilis.

subtilissime substantia & minima evaporationis introducatur vitro, & accendatur intus flamma, permanebit; quod speculis, igne, industriâ & solertiâ facile fieri potest. Non extingvetur, cum nulli aër immitti possit, repleturus inane phiala: vel pabulum continuo solvitur in fumum; hic cum solvi non possit in aerem, abit in oleum, & denuò accenditur. Sic perpetuo fluxu pabulum ministrabit. Principia audistis; scrutamini, operamini, periclitamini! Quantumvis apud Dn. Morbosum, (ingenii admirandi Virum, ad Physin & Poësin maximè ornandam peridoneum) in epistola de *Transmutatione Metallorum* Lucernæ inextingvibilis historiam hanc observarim; Narravit mihi, ait ipse, Vir honestus & fide dignissimus, cum Lovanii literis operam daret, in notitiam Burgundi alicujus pervenisse se, à quo in museum suum, singularis artificii videndi gratiâ invitatus fuit. Obduclis itaq; fenestris, ne externum lumen impediret, vitrum aliquod angustioris, liquore purissimo plenum, cui insertum erat filum aureum, produxit Burgundus, & lucernâ filo admotâ, tantum repente lumen exortum fuit, ac si in medio sole versarentur: incredibilis verò suavitatis odor totum museum complexit. Suppressâ postea flammâ, hospitem sed sub juratâ silentii fide, dimisit. Non tamen, quod salvo amicitiae jure scripserim, impetrare abs me, ut credam, possum, perennitatis privilegio fuisse gavisorum artificium. Et opinioni meæ fidem relatio ipsa facit. Si enim fulgor tantus, quantus illis, qui in medio versantur Sole, tùm apparuit, nimium & excellens sensile non potuit durare diu. Et unde suavissimus odor ille? qui mineralium comes esse aliàs haud solet. Obfirmavi planè animum, in rebus naturalibus ad maximum momentum pertinentibus, credere non nisi oculatis manibus. Artificiales ignes splendore & odore admirabili ex tempore repræsentare, specimina non pauca prodidit post *Portam Schottus* in *Magia Pyrotechn.* de *Camphora* & quibusdam speciebus gummatum.

Artifex.

§. 2. Non est livore deterendus, aut silentio premendus ausus Viri in palæstra Vulcani seu vitra, seu metalla spectes, diutissime

tissimè exercitati, & à Celebrì Chymiatro, D. *Langelotto* non parùm æstimati & laudati, Dn. *Joh. Kunckelii*, Sere-
nissimo S. A. X. E L E C T O R I à secretioribus la-
boribus Chemiæ & Cubiculi ministeriis devoti. Ab
hoc ut primùm alter alteri innotuit, contendi precibus hor-
tatibusqve, ut desisteret (si quidem unquàm in arcano ope-
re fuisset occupatus,) ab arte tot damnis & periculis nobi-
litatâ. Relicto præcipitiò ad plana se conferret, Naturæ
opera certiora potiùs rimando, unde Sapientiæ naturali
atqve Medicinæ lux inferri possit, ad rerum eruendam ve-
ritatem, & promovendam hominum salutem. Sic propi-
tium laboribus futurum Deum. Operari claros hâc ætate
nostrâ Viros circa Lumina & Phosphoros. Auderet lumen
circumfundere ingeniosis curis. Imitatus Phosphorum
& Hesperum, phœnomena caduca dixit. Contulit cum
exteris sententiam, & redux Wittebergam factus pericu-
lum suscepit novæ artis. Sextus propemodùm elapsus
mensis est, ex quo significavit mihi primùm, *Luminis perpe-
rui se possessorem esse.* Dubia, ut solent, qui non fidem
præbent illicò venalem, ei plura feci. Resolvit italia per
αὐτοψίαν & experimenta. Rogavi, ut celaret admirabile
inventum, donec per intervallum temporis constantiam
experiremur Noctilucæ. Jocabar etiam, sæpè nubem
pro Junone amplexari Chymicos solere. Expectaret er-
go, dum res ipsa semet aperiret. Fecit, & non infeliciter
perfectit. Vocatus in consilium magnificus Naturæ mysta,
Dn. *Otto de Gericke*, respondit, cum vitro suo duraturam
Noctilucam. Vidit ante paucos quidem menses rudi-
mentum ejus aliquod alicui (qui πολλῶν ἀπὸ καὶ νόον ἔγνω
per Europam Asiamqve & Indias) concessum à Non-ne-
mine Berolini, Dn. D. *Joh. Sigism. Elsholz*, Archiater Ele-
ctoralis Brandenburgicus, qui dissertatione editâ ad Ger-
maniæ Curiosos summoperè admiratus est spectaculum.
Quid ageret *Kunckelius*, re antè, quàm oportuit, manife-
statâ. Destinabat apud animum, primitias offerre PATRI

*Artificium
singulare*

P A T R I Æ , à quo tot hæc hactenus beneficiis ornatus fuerat. Factum id est superiori mense Dresdæ, interventu Viri Nobilissimi, à curis Principalibus & secretioribus dudum excellenter meriti.

Mirabile.

§. 3. Jam in eo fervet labor, ut non videatur saltem lux hæc, sed quò videantur alia, proximè vicina, præstet. Huc usq; tergemini observavimus mirabile. *Primum*, in eo fitum, ut si materia lucifera vel portione minimâ capillis, barbæ, superciliisvè illinatur, tempore nocturno, non solummodò jucunda, sed etiam horrenda repræsentet oculis objecta. Ut panè metuendum foret, mira & insolita phænomena mortales superstitioni deditos ac vanitati circà apparitiones Geniorum & id genus plura, si resciscant, auctores inde comminisci; nisi pretium oblatet Noctiluæ, vix ab hominibus privatis redimendæ. Quamdiu artifex collegerit in materia ritè præparandâ, jam non explanabo; id tantum contentus memorasse, cum laborem iteraret die XXV. Julii haud ita pridem, vix ultra unciam dimid. elicui: Ne igne valido, per horas plurimas continuato. Testabuntur de Herculeo labore, qui tùm interfuerant post cœnæ tempus, cum Amicis aliis, egregii quidam Studiosi juvenes, Chymia sub ejusdem ductu dediti, & Professorum tùm præsentium nonnulli. *Alterum* à fulgure mirandum. Sed hoc per vices fit, & aliud pro causâ habet fundamentum. Qualis nimirum illa flammæ est micatio, cum tempore æstivo dissipantur nubes à sulphure ac sale imprægnatæ, (wenn es Wetter leuchtet) ut deflagret æstus. Ubi hoc aperiendum elegans spectaculum, si duplex vasculum retortum vitreum exactè clausum sibi opponatur, materiâ luciferâ imbutum, nihil posse pulchrius excogitari, quantum ad hoc attinet. Priusquàm flamma emicet, cæruleus præcedit fumus, à luce pulsus; veluti à sole dispellente nebulas. Et hoc sæpiusculè, potissimum à motu aliquo, redintegratur. Tantum recipit, quantum exhibuit. Inde ad æqvata causa fulguris & aeris

aeris micationis peti pariter ac reddi potest. *Tertium* quandoquidem plus damni, quam quodvis pyrii pulveris artificium, si eodem abutere, infert usibus humanis, propter comburendi vim inextingvibilem, sub ipsis licet aquis, à solo etiam Sole protinus incensum, exponere nec licet, nec libet impræsent. Quoniam hoc velut oleum ex alio processu hauriendum, commune nil cum Noctiluca habet; occasione tamen ejus adinventum nuper fuit.

§. 4. *An Perenniluca mereatur salutari?* majoris quæstio momenti est. Mallem egomet judicia admittere à Curiosis & Chemiæ probè gnaris, quam domesticum proferre testimonium; qui promissorum sine re prodigos odissè soleo. *A posteriori* & eventu, fateor, impossibile hoc demonstratū esse. Quis enim verò vivit, aut victurus est, ut finem Luminis perpetui experiatur, aut expertus fuerit? Perpetui inquam, custoditi, & ab externâ vi, aut obstaculo non aboliti. Quæ autem ab interno aliquo principio corrumpitur, Perennilucae nomen non meretur lux. Hoc scio, hoc affirmo, per menses complures hætenus vigore pari, pari splendoris plenitudine durasse. Tentavimus idem etiam diurno tempore in cellis, omni lumine Solari casis; tentare in camerâ obscura licet. Noctu commodissimè, candelis omnibus remotis, facias periculum. Hoc tamen observato, aliquamdiu lumen remanens in oculis, à Sole aut accensis pingvibus profectum, impedire primò claritatem Lucis. Per intervalla enim & stringit organa videndi, & relinquit lumen: aut summoperè offendit pleno suo jubare pupillam. Vocavi interim *Constantem Noctilucam*, ne modestiæ limites transgrederer. Præstò tamen sunt, quæ urget artifex, nec pauca, neq; levia perennitatis argumenta à priori. *Primum* ab incombustibili principio, è quo elicitur hæc Noctiluca, peti potest meritò. Lux videlicet, ut concentrati in cono vitri urentis radii, unita, connexa, copiosa, pura, in subjecto suo, per naturam stabilis perpetuaq;

tuæque est. Subiecto autem suo pereunte, non quidem corrumpitur, sed aliò discedit, res naturaliter incorruptibilis. *Secundum* ex analogia, quam cum Stellarum luce possidet communem, sumitur. Sol & Stellæ reliquæ primarii sunt omnis lucis fontes: secundarii sunt sublunaria sine numero corpora nativâ sui luce prædita. Ut verò coelestium lux semper durat, sic & sublunarium; ex eodem Lucis primigeniæ producta globo. Lumen quidem perit, quia soboles tantum & imago lucis. Lux non obnoxia huic casui. Lumen accidens, sed lux substantia, & quidem incorporea; per aquas, vitra pariter, & gemmas penetrans pellucidas. *Tertium* à defectu principii internè consumentis, & à simplicitate lucis derivatur. Absente hoste, cessat pugna, cessat actio contrariorum. *Quartum* ex perpetua naturalis motus luminosi circulatione promi potest. Lux inprimis fulgurans & evibratrix nebulam subinde motitat retruditurq; , ut mox emicet de novo. *Quintum* ab indemnitate intra aquam, in qua non solvitur, nec desinit lucere, derivatur. *Quin* & in aère libero per septimanas aliquot duravit hætenus, materiæ impacta spissiori. *Sextum* à minori colligit ad majus: Si Aurum, corpus mistum, crassumq; etiam, in ignibus non perit; multò minùs consumetur lux, nobilior diviniórque res. *Quin* imò propter Lucem incombustibilis natura Auri. Ut hîc silentio prætermittamus Viri circa aerem & vitra innumeris experimentis versatissimi Dn. de *Guericke* judicium. Tu ipse judica, & nobis interim, ut digniora provocas,
Benigne Lector, fave.

